



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

XCIII. Contra surripientes, vel asportantes, aut apud se retinentes Sacras
Hostias, vel particulas consecratas. 5. Martii.

[urn:nbn:de:hbz:466:1-74696](#)

Ecclesiastica disciplina restituenda, & in Sedis Apostolicae juribus defendendis. Prædicabitur à Nobis nomen Tuum in scuola, requiretur à generatione in generationem; Sapientiam Tuam enarrabunt Gentes, & laudes Tuas enumerabit Orientalis Ecclesia.

XCIII.

Contra Surripientes, vel asportantes, aut apud se retinentes Sacras Hostias, vel Particulas consecratas.

BENEDICTUS EPISCOPUS,

Servus Servorum Dei. Ad perpetuam rei memoriam.

Exordium.

AB Augustissimo Eucharistia Sacramento, in quo Salvator Noster, & Dominus Iesu Christus se ipsum nobis, tamquam gratiarum omnium fontem uberrimum, atque pretiosum aeterna gloria pignus, amandum, atque fruendum exhibere ineffabili benignitate dignatur; cui curvari convenit omne genu, omnesque gentes, & populos, & linguis perene adorantis, & honoris tributum offerre; sceleratorum Hominum audaciam, multoque magis sacrilegas impiarum manus arcendas esse, in primisque à Nobis Apostolicae auctoritatis clypeo, ac districto poenarum gladio, quantum cum Domino possimus, longius propulsandas, tum ipso ministerii Nostrri Officio, tum etiam Prædecessorum nostrorum exemplis admonemur.

Epitome
Constitutio-
nis Innoc.
XL.

§. 1. Et sanè, cum alias Ven. mem. Prædecessor Noster Innocentius Papa XI. per suam Constitutionem datam iv. Idus Martii Anno Incarnationis Dominicæ MDLXVII., statuerit, ut omnes, & singuli utriusque sexus, qui de execrabilis furto Hostias consecratae, sive unius, vel plurium Particularum consecratarum, cum sacra Pyxide, vel sine illa, legitimè, & judicialiter confessi, aut convicti fuerint, quive propria malitia, vel de alterius mandato, Hostiam ejusmodi, sive unam, vel plures Particulas consecratas, ad malum finem, apud se retinere, vel alio transferre, seu aportare præsumperint, condignis poenis, & animadversionibus pro facinoris atrocitate plectantur, & pro prima etiam vice Curia seculari tradantur; non obstanti minoritate, dummodo vigesimum annum attigerint; easdemque poenas constituerit etiam contra Mandantes: Immediatus illius Successor fel. pariter rec. Alexander Papa VIII., æquali zelo ad tam nefarium scelus eliminandam armatus, prædictam Innocentii XI. Constitutionem confirmavit, per aliam in simili forma datam xi. Kalendas Januarii Anni MDCCX.; in qua etiam illud addidit, ut sub antedicta Constitutione dispositione intelligi deberent comprehensæ omnes, & singula personæ tam Sæculares, quam Ecclesiastice, etiam Regulares, cujuscumque dignitatis, status, gradus, Ordinis, Congregacionis, Societatis, & Instituti, quibuscumque privilegiis, exemptionibus, & Indultis munita, & quavis speciali nota, aut individuatione dignæ, nulla prosus excepta; easque omnes, siquas atrocissimi hujus criminis, quocumque modo, etiam sine qualitate furti, per se ipsas, vel per altos quoquaque, aut de alterius mandato, commissi, reas esse constaret, omnibus, & singulis poenis tum antiquis, tum in dicta Innocentii XI. Constitutione innovatis, etiam, quoad Ecclesiasticos, degradationis realis, & traditionis brachio seculari, omnino & irremissibiliter obnoxias fuisse & esse, atque in posterum fore, declaravit.

Epitome
Constitutio-
nis Alex.
VIII.

§. 2. Nos igitur, quibus horrendæ hujusmodi impietas magis magisque præcavenda non mi-

nor cura peccatori insidet, supradictas Prædecessorum nostrorum Innocentii XI., & Alexandri VIII. Constitutiones (quarum tenores, ac si de verbo ad verbum præsentibus inserta forent, haberi volumus), atque omnes, & singulas dispositions, ordinaciones, declarationes, & extensiones in illis contentas, prout jacent, Motu proprio, & ex certa scientia, & deliberatione Nostris, deque Apostolica potestatis plenitudine, hac Nostra perpetuò valitura Constitutione confirmamus, approbamus, & innovamus, easque inviolabiliter, & inconclusè servari volumus, & mandamus.

§. 3. Cum autem, sicut Nos ipsi pluries agnominus, dum adhuc in minoribus existentes, in Romana, atque universalis Inquisitione Consulteris munere fungebamur, in hujusmodi Caſularum tractationibus, qua coram Sacro prædictæ Inquisitionis Tribunal agitantur, haꝝ plerunque exceptions à Reis, atque Reorum Advocatis proponi soleant; quod scilicet subrepertarum Particularum, sive Hostiarum consecratio, & surripitionis, sive asportantum, vel respectivè retinentium intentio ad malum finem directa, minimè à Fisco probentur; & propter hujusmodi exceptions, & deficiētes in Fisco probationes ad easdem repellendas, hujus generis causas in longum protrahi contingat, atque etiam ipsi aliquando Rei delictorum suorum impunitatem, aut poenarum minorationem pessimo exemplo obtinere tentaverint; Cumque super relevantia istarum exceptionum, quæ ex prædictarum Innocentii XI., & Alexandri VIII. Constitutionum contextu oriri afferuntur, & super eo, an ipsis Reis, vel Fisco potius incumbat onus conficiendi probationes pro supradictis exceptionibus fundandis, vel respectivè deſtruendis, novam aliquam declarationem Pontificia auctoritate suffulgam memoratis Constitutionibus adjungi desideraretur: Idcirco Nos, volentes omnia sacrilegii Hominibus adimere subterfugia, per quæ condignas tantæ impietatis poenas declinare, vel earum minorationem, & relaxationem prætendere, vel obtainere possent, motu, scientia, deliberatione, ac potestatis plenitudine paribus, atque etiam Venerabilium Fratrum Nostrorum S. R. E. Cardinalium in tota Republica Christiana aduersus hereticam pravitatem generalium Inquisitorum à Sancta Sede specialiter deputatorum sensui, & consilio Nobis alias super hac re insinuato inharentes, ea quæ sequuntur opportune statuenda, & declaranda censuimus.

§. 4. Quoties igitur per legitimas probationes constituerit, vel Hostiam, vel Particulas à Reo subreptas, sive alio modo asportatas, atque retentas, in Sacro prius Repository, seu Tabernaculo, vel in Sacra Pyxide, aut Ostensorio afferuantur, indeque sacrilego asulu extractas, atque asportatas fuisse; vel eidem Reo constituto, aut alteri persona, in actu Communionis à Sacerdote traditas, deindeque vel in eodem Communionis actu, vel post illum, ab ipso sumente ex proprio ore extractas fuisse; tunc satis, & abunde fundatam præsumptionem Fisco suppetere declaramus, pro afferenda earundem Hostiarum, seu Particularum consecratione; ad quam excludendam nonnisi claras, & concludentes in contrarium probationes admitti debere decernimus; quarum perficiendarum onus ad ipsum Reum pertinere dubitandum non est, ac ne in posterum dubitari contingat, præsentis declarationis tenore statuimus.

§. 5. Inutiliter etiam à Reis, vel ab eorum Defensoribus proponeretur exceptio non probata prava intentionis abutendi Sacramento ad malum, vel sacrilegum finem, nisi concludentibus, & juridicis probationibus, adfruendis pariter ab ipsis Reis, in quos tale onus præ-

Referuntur
causæ nova-
rum declara-
tionum.De proba-
tione Confe-
rationis.De proba-
tione prava
intentionis.

Clausulæ.

sensis declarationis vigore expresse refundimus, hujusmodi exceptio constabilita sicutur, & justa, aut excusabilis ratio asportationis, aut retentio-nis Sacramenti, plene comprobetur. Alias ete-nim Fisco semper assit etiam valida, & legitima præsumptio de intentionis pravitate, quotiecumque probaverit ipsam Sacra Hostia, vel Par-ticula subreptionem, asportationem, aut retentionem; absque eo quod, super malo, vel sa-crilego fine, speciales probationes debeat cumulare. Itaque neque istam, neque aliam su-perius memoratam exceptionem, ubi sufficien-ter, ut supra, probata non fuerint, impius tan-ti Sacramenti violatoribus ulla tenus suffragari volumus, quo minus omnibus, & singulis pœ-nis, etiam pro prima vice traditionis brachio Sa-culari, & quoad Ecclesiasticos, degradatio-nis realis, & traditionis pariter pro prima vice brachio Sa-culari, in praefatis, & antiquioribus Prædecessorum Nostrorum, & juris sanctiōibus, contra hujusmodi nunquam satis detestandi faci-noris Reos iustè, ac sapienter constitutis, subjiciantur, & cum effectu plectantur, & puniantur.

§. 6. Decernentes praesentes Notras Litte-ras, & in eis contenta quacumque, etiam ex eo, quod quilibet in præmissis, seu eorum aliquo, jus, vel interesse habentes, seu habere quomo-dolibet prætententes, cuiusvis statu, gradus, Ordinis, præminentia, vel dignitatis existant, sive alias specifica, & individua mentione, & expressione digni, illis non consenserint, nec ad ea vocati, & auditi, neque causa propter quas eadem praesentes emanaverint, adductæ, verifi-cata, vel sufficienter, aut ullo modo justificata fuerint, aut ex alia qualibet, etiam quantumvis juridica, & privilegiata causa, colore, prætex-tu, & capite, etiam in corpore juris clauso, nullo unquam tempore de subreptionis, vel obrep-tionis, aut nullitatis vitio, seu intentionis no-stræ, aut interesse habentium consensus, aliove quolibet, etiam quantumvis magno, ac forma-li, & substantiali defectu notari, impugnari, infringi, retractari, in controversiam vocari, aut ad terminos juris reduci, seu adversus illas aperitionis oris, restitutions in integrum, a siud-ve quodcumque juris, facti, vel gratis reme-dium intentari, vel impertrari, aut etiam motu pari, & de Apostolicæ potestatis plenitudine simili concessio, vel emanato quempiam in Ju-dicio, vel extra illud uti, seu se juvare ullo modo posse; sed ipsas praesentes semper firmas, validas, & efficaces existere, & fore, ususque ple-narios, & integros effectus fortiri, & obtine-re, ac ab illis ad quos spectat, & pro tempo-re quandcumque spectabit, inviolabiliter, & inconcussè observari.

§. 7. Sicque, & non alter in præmissis censi-ri, atque ita per quouscumque Judices Ordiniarios, & Delegatos, etiam Caularum Palatii Apostolici Auditores, ac ejusdem Sanctæ Ro-manae Ecclesie Cardinales, etiam de Latere Legatos, & Apostolicæ Sedis prædictæ Nuncios, aliosque quolibet quacumque præminentia, ac potestate fungentes, & functuros, sublata eis, & eorum cuilibet alteri judicandi, & interpretandi facultate, judicari, & definiri debere, ac irritum, & inane, si fecus super his a quo-quam quavis auctoritate scienter, vel ignoran-ter contingit attentari.

Derogatio-nes.

§. 8. Non obstantibus, quatenus opus sit, nostra, & Cancellariae Apostolicæ Regula de jure quæsto non tollendo, aliisque Apostolicis, ac in Universalibus, Provincialibus, & Synodalibus Concilii editis generalibus, vel specia-libus Constitutionibus, & Ordinationibus, nec-non quibusvis, etiam juramento, confirmatione Apostolica, vel quavis firmitate alia robo-ratis statutis, & constitutinibus, etiam imme-morabilibus, privilegiis quoque, exemptioni-

bus, & Indultis, etiam in corpore juris clau-sis, aut Literis Apostolicis quibusvis Personis, Collegiis, Locis, Ordinibus, etiam Militari-bus, Congregationibus, Societaribus, & Insti-tutis, etiam Societas Jesu, & Sancti Joannis Hierosolymitani, aliisque quibuslibet specifica, & individua mentione dignis, etiam sub quibus-cumque verborum tenoribus, & formis, ac cum quibusvis etiam clausulis, & Decretis, etiam ir-ritantibus in genere, vel in specie, etiam mo-tu simili, & de Apostolicæ potestatis plenitu-dine, seu consistorialiter, ac alias quomodo obei-ber in contrarium præmissorum concessis, ac pluries confirmatis, approbatis, & innovatis. Quibus omnibus, & singulis, etiam, pro il-lorum sufficienti derogatione, de illis, eorumque totis tenoribus, specialis, specifica, & in-diividua mentio, seu quavis alia expressio ad id serfanda fore, illorum tenores, formas, cau-sas, & occasiones præsentibus pro plenè, & sufficienter expressis, & exactissimè servatis, & specificatis respectivè habentes, illis alias in suo robre permanens, hac vice dumtaxat, ad præmissorum effectum plenissimè, & amplissimè motu pari derogamus, & derogatum esse vo-lumus, caterisque contrariis quibuscumque.

§. 9. Volumus insuper, & eadem auctorita-te prædicta mandamus, ut eadem praesentes, & in eis contenta quacumque ad omnium no-tiati facilius deducantur, nec quisquam de eis ignorantiæ prætendere valeat, ipsas praesentes, seu earum transumpta, ad Valvas Ecclesiæ S. Joannis in Laterano, & Basilicæ Principis Apostolorum de Urbe, neconon Cancellariae Apostolicæ, & in Acie Campi Floræ per ali quem ex Curforibus Nostris, ut moris est, pu-blicari, & affigi: Sicque publicatas, & affixas, omnes, & singulos, quos concernunt, seu con-cernent in futurum, perinde afficere, & arcta-re, ac si unicuique illorum personaliter intimata, & notificata fuissent.

§. 10. Utque earundem præsentium trans-emptis, seu exemplis, etiam impressis, manu alicuius Notarii publici subscriptis, ac sigillo Personæ in Ecclesiastica Dignitate constituta-munitis, eadem prorsus fides in judicio, & extra illud ubique locorum habeatur, que ipsa præsentibus haberetur, si forent exhibitæ, vel ostenta-ri.

§. 11. Nulli ergo omnino Hominum liceat paginam hanc Nostrarum confirmationis, ap-probationis, innovationis, voluntatis, mandati, statuti, decreti, declarationis, ampliationis, & extensionis infringere, vel ei ausu temerari contraire. Si quis autem hoc attentare præ-supponserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorem, Anno Incarnationis Dominicae millesimo septingentesimo quadragesto quarto, tertio nonas Martii, Pontificatus Nostræ Anno Quarto.

D. Card. Passioneus. J. Datarius.

VISA DE CURIA.

J. C. Boschi.

J. B. Eugenius.

Registrata in Secretaria Brevium.

Loco ✠ Plumbi.

Public. die 12. ejusdem Mensis, & Anni.

Revocatio

Publicationis effectus.

Exemplorum auctoritas.

Sanctio.

Dat. die 12.
Mart. 1744